

Die Pulvererfindung.

Schon hijsch¹⁾ a Weil her, daß 's Büachlmach'n aufkema und die erste Lug druckt word'n is.

Selm²⁾ war a Mann, der hat si' Bertl Schwarz g'schrieb'n, und is a a Schwarzer g'we'n. Derjelbig kint amol zu sein' Nachbarn und sagt: „Is a Unsinn, wia mir die Zeit lang wird — sei so guat, Hochwürd'n, und gib mir was zan lesen!“ Gibt eahm der ander' die G'schicht von Bauernkrieg, und der Bertl zottelt in sein Kammerl zrud und lest . . . Er kint aber net weit, so schmeißt er schon 's Büachl doni³⁾ und hebt ins Schimpf'n an: „Höllsagra, die Rittersmana werd'n z'ked, dös geht schon völli gar neama mit sö! I siach schon: i muaß gen⁴⁾ an G'scheit'n mach'n und 'n Bauern helf'n — i muaß halt 's Pulver dafind'n!“

1) Hübsch, 2) damals, 3) weg, 4) etwa.

G'schwind rennt er oh! zu der Köchin: „Philomena, an messingan Mörcher her und an Stößl, i muaß 's Pulver dafind'n, aber schleuni', sist kint mir eppa an and'rex für!“ Nimmt nacher a Bröckl Kohl'n, kratzt von an Stroashölzlpackl an gelb'n Schwefel, geht ast in d' Speis', kratzt von an g'selcht'n Schlögl a Gumperl Saliter⁵⁾ und stößt alls mitanand zan a Stupp z'samm.

„Dös wird eppa gar a Appatitpulverl, geistla Herr Hochwürd'n?“ fragt die Köchin.

„Ja Schneck'n“, lacht der Bertl grimmi, „dös wird a niederschlagads Pulver!“ Nacha vagunnt er eahm a Priserl und moant: „Pax vobiscum, hiaz laß' ma 's krach'n!“

Ast fangt er von Herd an brennend'n Span außa und hebt an ins zündeln. Höllsagralot, hast es nit g'seh'n, siagst es nit a — da thuats Ent gach an mentisch'n Kracher, aus 'n Mörcher fahrt a Gluat und a G'stank'n wie da leibhafte Teuyl, der Stößl haut a Endsloch in d' Wand und d' Philomena fällt um.

„Gloria“, singt der Bertl, „'bald 's dös Trum umschmeißt, nacher thuats es schon!“

1) Handvoll Salpeter.

Alt schreit er 'n Meßnerbuam und tragt eahm
auf: „Micherl, gehst glei' umi zan Burgermoaster,
i liaß 'n schön grüaß'n, und er sollt 's anschlag'n
und austrommeln lass'n: Heut um zwölfe z' Mittag
hebt die neuwe Zeit an. 's Mittelalter is gar —
i han just 's Pulver dafund'n!“
